

FUNDARGERÐ

BYGGÐARRÁÐS HÚNAÞINGS VESTRA

630. fundur byggðarráðs Húnaþings vestra haldinn mánudaginn 11. janúar 2010 kl. 10:00 í fundarsal Ráðhússins.

Dagskrá:

1. Viðræður við forstöðumann tæknideildar og verkstjóra áhaldahúss.
2. Viðræður við fulltrúa SSNV – atvinnuþróunar.
3. Erindi Magnúsar Eðvaldssonar.
4. Undirbúningur að gerð þriggja ára áætlunar.

Afgreiðslur:

1. Forstöðumaður tæknideildar og verkstjóri áhaldahúss eru mættir til viðræðna við byggðarráð. Rætt um ýmiss verkefni t.d. smíði merkja fyrir gá mavöll og íþróttahús, snjómokstur, gá mavöll, viðhald leiguþúða o.fl. Oddur Sigurðarson spurðist fyrir um hitaveituleka á Norðurbraut, hvenær yrði farið í þá viðgerð. Guðmundur Erlendsson verkstjóri áhaldahúss vék af fundi kl. 10:20. Forstöðumaður tæknideildar gerði grein fyrir ákvæðum gjaldskráa nokkurra veitustofnana gagnvart inntaksgjöldum hitaveitu. Byggðarráð felur forstöðumanni tæknideildar að leggja fram drög að breyttri gjaldskrá hitaveitu hvað varðar heimæðargjald og fastagjald og leggja fyrir næsta fund byggðarráðs.
2. Fulltrúar SSNV-atvinnuþróunar Jón Óskar Pétursson, framkvæmdastjóri og Guðrun Kloes, atvinnuráðgjafi eru mætt til fundarins. Farið yfir stöðu atvinnumála í héraði og þau helstu verkefni sem SSNV-atvinnuþróun vinnur að um þessar mundir. Í þessu samhengi var m.a. rætt um rannsóknir á kalkþörungum á tilteknum svæðum í Húnaflóa, verkefni sem tengt er sjóstangveiði, verkefni tengd Grettistaki o.fl. tengt almennri atvinnu- og rekstrarráðgjöf. Einnig fjallað um uppbyggingu þekkingarseturs á Hvammstanga og aðkomu SSNV-atvinnuþróunar að því verkefni.
3. Fram lagt erindi Magnúsar Eðvaldssonar þar sem hann óskar eftir því að Húnaþing vestra greiði helming kostnaðar vegna fjarnáms nemanda í 10. bekk sem stundar nám í einum áfanga á framhaldsskólastigi. Byggðarráð samþykkir að vísa afgreiðslu erindisins til sveitarstjórnar.
4. Farið yfir atriði er tengjast gerð þriggja ára áætlunar. Samþykkt að fresta næsta reglulega fundi sveitarstjórnar sem vera átti þann 14. janúar nk. til 21. janúar nk. kl. 09:30.

Samþykkt að taka á dagskrá:

5. Eigandi Geitafells Róbert Jack og Bragi Bergsson, umhverfisskipulagsfræðingur kynntu fyrir byggðarráði áform eiganda um ferðaþjónustuuppbyggingu á Geitafelli og lögðu þeir fram erindi þar sem óskað er eftir því að Aðalskipulagi Húnaþings vestra 2002-2014 verði breytt á þann hátt að tiltekinn hluti jarðarinnar Geitafells verði færður úr landbúnaðarnotum í verslunar- og þjónustusvæði. Eigendur jarðarinnar hafa látið deiliskipuleggja þann hluta jarðarinnar í tengslum við áform um uppbyggingu í

ferðaþjónustu og óska þeir jafnframt eftir því að deiliskipulagstillagan verði tekin til efnislegrar meðferðar hjá sveitarfélaginu. Byggðarráð vísar erindinu til umfjöllunar skipulags- og umhverfisstjórnar. Byggðarráð fagnar þeim áformum sem kynnt voru um uppbyggingu um ferðaþjónustu á Geitafelli.

Fundargerð upplesin og samþykkt.

Fundi slitið kl. 12:30

Guðný Helga Björnsdóttir(sign.),
Heimir Ágústsson(sign.),

Skúli Þórðarson(sign.),
Elín R. Líndal(sign.),

Áheyrnarfulltrúi:
Oddur Sigurðarson(sign.).